

257 **D**â lac ûf ein gereite,  
 smal ân alle breite,  
 geschelle unt bogen verrêret,  
 grôz zadel dran gemêret.  
 5 der vrouwen trûrec, niht ze geil,  
 ir surzengel was ein seil;  
 dem was si doch ze wol geborn.  
 ouch heten die este unt etslich dorn  
 ir hemde zervüeret.  
 10 swâ daz mit zerren was gerüeret,  
 dâ sach er vil der stricke,  
 dâr unde liehte blicke:  
 ir hût noch wîzer denn ein swan.  
 sine hete niht wan knoden an.  
 15 swâ die wâren des velles dach,  
 in blanker varwe er daz sach;  
 daz ander leit von sunnen nôt.  
 swie ez ie kom, ir munt was rôt;  
 der muose al sölhe varwe tragen,  
 20 man hete viwer wol drûz geslagen.  
 Swâ man si wolt an rîten,  
 daz was zer blôzen sîten  
 – nantes iemen vilân,  
 der het ir unreht getân –,  
 25 wan si hete wê nec an ir.  
 durch iwer zuht geloubet mir:  
 si truog ungedienten haz;  
 wîplîcher güete si nie vergaz.  
 ich saget iu vil armuot.  
 30 war zuo? diz ist als guot.  
 doch næme ich sölhen blôzen lîp  
 vîr etslîch wol gekleit wîp.

boge \*T (ohne V)  
 ir durchzingel (tarengúrtel V) was \*T  
 swâ ez (Swaz O Fr21 Swaz ez Z) mit \*G \*T  
 vil dicke \*G (nur GI)  
 ir hût was glîcher (wizer U V) danne ein sw. \*T  
 sine vuorte n. \*G (\*T)  
 hetz (hette da V) viur wol \*G (ohne Fr21) (\*T)  
 ze blôzer s. \*T (nur T) (I O L)  
 ↓\*G \*T

\*D: D \*m: m Fr69 (257,26–32) \*G: G I O L Z Fr21 \*T: T U V

1 Initiale D O L Z Fr21 5 Majuskel T 19 Initiale I 21 Majuskel D 26 Initiale G 29 Initiale Z 31 Initiale O L Fr21

2 alle] om. \*m 10 daz] ez \*m 14 sine hete] si envuorte \*m 18 ie] om. \*m 20 viwer wol] vil wol viur (om. m) \*m 23 nantes] nante (Nantes m) es \*m 29 ich sagte (sage Fr21)  
 vil (ûch vil L [Fr21]) ir (om. Fr21) armuot. \*G (ohne Z) · ich seit iu vil von (von irm U [\*]: ir V) armuot. \*T · armuot] von (vs m) armuot \*m 31 doch] dô \*m